



Jahresbericht Geflügel 2025

Oh wie schlimm steits doch um üsi Wäut
Äs geit aues numäno ums liebä Gäud
Wär vieu Gäud het, dä het Macht
S'wär besser myr gä Acht
Do schnurrät einä, nid ganz zwe Stung
U rühmt sich säuber mit ganz vieu Schwung.
U wes de o nyd glogä isch, so isches de vielecht o nyd wahr
Das isch üs aunä sunneklar.
Aber do by üs geits um öppis wichtigers
Äs geit um d'Schönheit u das isch gwichtiger
Är Vorbewärtig luegt dr Richter ganz genau
Ob üsi Tierli de o perfekt sy für ät Schau
Ändlech isches de so wyt
Uf Chiuberg isches jo nyd soo wyt.
Prächtich isch üsi grossi Schau
D'Lüt chömä i Scharä vo überau
Wei luegä was die Hühner de o gmacht hei
Ob sy schön sy oder wenigär, döu legä sogar äs Ei
Verby isch dä gross Momänt
Aues schönä het äs Änd.
Jetzt geits de no um s'Abumä
We nyd acht gisch, quetschisch no ä Dumä
Handli lährt sech dä gross Saau
Myr bringe üsi Tierli zrugg i Stau
Di Eintä sy z'friedä u glücklich
Di Angerä nyd würkläch
Äs isch wie ar Olympiade, s'cha nyd jedä gwinnä
Myr chöntä au äs Liedli singä
U wes de o nyd glogä isch, so isches de vielächt o nyd wahr.
Näht jetz dä Bricht nyd gar so ärscht
Das empfehlig ig öich aune wärmscht
Äs Sprichwort chunnt mr grad keis i Sinn
Das isch keis Unglück, s'geit eim nyd gäng so ring.

Obmann Geflügel OV Jegenstorf Reto Sommer